

Publicam Explorationem Progressum

Quos

Discipuli Priorum Quinque Classium

Ioannei Hamburgensis

In humanitatis studiis fecerunt,

Diebus I. et II. m. Maii MDCCCXXXII.

Instituendam

Et

Ad Declamationes Iuvenum et Puerorum

Die III. m. Maii hor. matut. X. audiendas

Invitat

Fridericus Carolus Kraft,

Theol. et Philos. Doctor, Ioannei Hamburgensis Director et Professor.

Insunt:

1. ~~Calmeraii~~ ~~Disputationis~~ Dissertatio:

De utilitate, quae ex accurata linguae sanscritae cognitione in
linguae graecae latinaeque etymologiam redundet.

2. Annales Ioannei Hamburgensis inde a Festo Sti. Michaelis usque
ad tempus paschale.

HAMBURGI, 1832.

Typis excudit Ioannes Augustus Meissner, Amplissimi Senatus, Gymnasii et Ioannei Typographus.

et Franciscus Boppius, et qui horum Triumvirorum vestigia sequuti sunt, extra omnem dubitationem posuerint. Ambitum autem stirpis indicæ et germanicæ Schmitthennerus*) ita adumbrat, ut linguas Indorum, Persarum, populorum Caucasiorum, Pelasgorum, Germanicorum, Slavicorum complectatur. Sed ut luna splendet inter minora sidera, ita singularum præstantiam suis virtutibus obruit, quæ iure suo ornata, exulta dicitur, lingua sanscrita**).

Nata in iis regionibus, ubi montium tractus coelum tangunt, ex perennibus nivibus Ganges sacras undas provolvit, Indus magnos secum rapit fluvios***), gemmae per tenebras noctis micant, flores vividissimis coloribus pinguntur, palmarum proceritas caput in nubes effert et hospitalis ficus casas exstruit; ubi elephatorum mansueta maiestas hominis servitium subit, nemora tigridum et leonum rugitibus resonant, ser-

Heidelberg 1808. — A. Gu. a Schlegel et Franc. Boppius quod condiderunt harum literarum regnum, etiamnunc amplificant diuque ut amplificent, optimarum artium causa magnopere optamus.

*) Cf. Schmitthenner, Ursprachelehre. Frankf. a. M. 1826.

**) संस्कृत *sanskrita* est *ornatus*, *a*, *um*; opponitur प्राकृत *pracrita*, lingua vulgaris. Cf. A. Gu. a Schlegel: Ind. Bibl. II, 1, p. 26. — von Bohnen: Das alte Indien II, p. 432, §. 23. — Inter सम् *sam* praepositionem et क् (*k*) radice कृ *kri*, *facere*, inseritur euphonicum सृ (*s*). Cf. Grammatica critica linguae sanscritae a Francisco Bopp. Berolini 1829, p. 71.

***) Das alte Indien I, p. 13.

pentum monstra bubalos ut arundines confringunt*); ubi quocumque oculum verteris, admiratione simul et stupore correptum te sentias, et natura quid efficere possit, experta esse videtur, omnem patriae varietatem, tot miracula, tantam soli natalis amoenitatem et ubertatem in se recepisse, coniectura augurari licet. Accedit, quod in populo**), qui hac lingua utebatur, erat insignis morum mansuetudo cultu victuque adiuta, excellens ingenii acumen, incredibilis laborum dolorumque patientia, summa Deorum reverentia. Quis non gustavit poematum indicorum dulcedinem, quæ omnium animos delinit? quem fugit philosophiae indicæ subtilitas, quæ abstrusissima quæque recludere conatur***)? Atque monumentorum ab hoc populo literis conceptorum Forstero teste****) tantus est numerus, ut etiam monumenta Graecorum literaria, quæ temporum invidia non intercepta, superet. Latum igitur unicuique, qui literas amat, campum, in quem excurrat, linguae sanscritae cognitio aperit, philologo latissimum. Quum enim ad linguam

*) Das alte Ind. I, p. 34.

**) v. Schlegel: Ind. Bibl. passim. Das alte Ind. p. 42—50.

***) Cf. Friedr. Schlegel: Ueber die Spr. und Weisheit der Indier, p. 89—153.

****) Cf. Franz Bopp: Ueber einige Demonstrativstämme und ihren Zusammenhang mit verschiedenen Präpositionen und Conjunctionen im Sanskrit und den mit ihm verwandten Sprachen. — Geles. in der K. Akad. der Wiss. d. 7. Jan. 1830. Berl. 1830, (prodiit etiam seorsum) p. 10.